

Polisi Risg Partneriaeth Pensiwn Cymru (y 'Polisi')**Cyflwyniad**

- 1 Partneriaeth Pensiwn Cymru ("Y Bartneriaeth") yw'r trefniant cronni ar gyfer asedau yr wyth o gronfeydd Cynllun Pensiwn Llywodraeth Leol Cymru ("Awdurdodau Cyfansoddol").
- 2 Mae'r Bartneriaeth yn cydnabod ei bod yn wynebu nifer o risgiau, o'u gadael heb eu rheoli, all gyfyngu ar allu'r Bartneriaeth a'r Awdurdodau Cyfansoddol i gyflawni eu hamcanion ac i weithredu er lles gorau eu rhan-ddeiliaid a'u buddiolwyr.
- 3 Amcan y Bartneriaeth wrth baratoi a gweithredu'r polisi hwn yw amlinellu:
 - 3.1 Sut mae'r Bartneriaeth yn ystyried risg, ei hagwedd at risg a'r graddau y gellir rhoi cyfrif am risg yn ei phrosesau llywodraethu a gwneud penderfyniadau;
 - 3.2 Y modd mae'r Bartneriaeth yn adnabod, dosbarthu ac yn mesur effaith bosib y risgiau;
 - 3.3 Sut mae risgiau yn cael eu rheoli a'u lliniaru;
 - 3.4 Y mecanweithiau a'r gweithdrefnau sydd yn eu lle i fonitro risgiau; a
 - 3.5 Y broses i adolygu effeithiolrwydd a datblygiad strategaethau lliniaru risg.
- 4 Mae'r polisi yma yn gymwys i'r Cydbwyllgor Llywodraethu ('CBLI'), y Gweithgor Swyddogion ('GS'), Awdurdod Lletya, y cyfeirir atynt gyda'i gilydd fel 'Personél y Bartneriaeth', ynghyd ag ymgynghorwyr a chyflenwyr ('Darparwyr'). Mae'r Bartneriaeth yn cydnabod bod gan holl Personél a Darparwyr y Bartneriaeth ran i'w chwarae i adnabod, deall, rheoli a monitro risgiau posib a rhai gwirioneddol sy'n wynebu'r Bartneriaeth.
- 5 Mae'r Polisi hwn yn adlewyrchu cred y Bartneriaeth bod llywodraethu da a mwy o dryloywder yn gwella'r broses gwneud penderfyniadau gan arwain at ddeilliannau uwch i ran-ddeiliaid y Bartneriaeth. Rhaid i'r Bartneriaeth geisio bod yn ymwybodol o'r holl risgiau sy'n ei hwynebu a chael gweithdrefnau yn eu lle i'w rheoli.
- 6 Mae'r Bartneriaeth yn cydnabod bod hyfforddiant ac addysg yn hanfodol i gyflawni deilliannau da a bydd yn dyrannu adnoddau i sicrhau ei bod yn ymgymryd â hyfforddiant ac addysg rheolaidd i adnabod, rheoli a monitro risg.
- 7 Mae'r polisi yma'n canolbwyntio yn unig ar y risgiau a all godi o'r gwaith mae Personél a Darparwyr y Bartneriaeth yn eu hymgyrdd ar ei rhan. Bydd Awdurdodau Cyfansoddol y Bartneriaeth yn parhau yn gyfrifol am reoli risgiau ar lefel Awdurdod Cyfansoddol. Ynghyd â chwrdd â gofynion a disgwyliadau'r polisi hwn, dylai Personél a Darparwyr y Bartneriaeth barhau i lynu at unrhyw bolisiau risg eraill y maent yn ddarostyngedig iddynt, gall hyn gynnwys polisiau Awdurdod Cyfansoddol neu gwmni a chodau ymddygiad perthnasol eraill. Datblygwyd y polisi hwn gan y Bartneriaeth mewn ymgynghoriad â'r Awdurdodau Cyfansoddol.
- 8 Wrth gynnal a gweithredu ar y polisi yma, bydd gan y Bartneriaeth ddeialog barhaus gydag unrhyw gyflenwyr perthnasol. Bydd y Bartneriaeth hefyd yn ceisio adborth gan drydydd partion ble bo hynny'n briodol.
- 9 Caiff y Polisi ei adolygu'n ffurfiol gan Is-grŵp Risg y Bartneriaeth a'r GS, gan ei ddiweddarau os os angen, bob tair blynedd. Er hynny, gellir adolygu neu newid y Polisi yn amlach os oes angen i roi sylw i arweiniad neu reoliadau perthnasol. Bydd y Polisi yn eitem ar raglen y CBLI bob tair blynedd, a bydd Cofrestr Risg y Bartneriaeth (o Bwynt 25 ymlaen) yn eitem chwarterol ar raglen y CBLI.

Credoau

- 10 Mae'r Bartneriaeth yn ymwybodol na ellir lliniaru rhai risgiau'n llwyr ac mae'n cydnabod yr angen i gofleidio risg a sicrhau ei bod yn cael ei reoli'n weithredol ac yn effeithiol.
- 11 Mae'r Bartneriaeth yn cydnabod bod rheoli risg yn elfen hanfodol o'i hymrwymiad i lywodraethu da, ac felly bydd y Bartneriaeth yn datblygu ac yn glynu at strategaeth risg gadarn, eang a strwythuredig. Caiff y strategaeth hon ei gwreiddio yn fframwaith llywodraethu'r Bartneriaeth i sicrhau gwell penderfyniadau, gwell deilliannau i ran-ddeiliaid a gwell effeithlonrwydd.
- 12 Bydd adnabod, deall, rheoli a monitro risgiau yn effeithiol yn caniatáu i'r Bartneriaeth:
- 12.1 Leihau y tebygolrwydd o fethu â chwrdd â'i hamcanion;
- 12.2 Dangos ei hymrwymiad i lywodraethu da;
- 12.3 Cyfyngu y graddau y caiff ei heffeithio gan ddatblygiadau na ellir eu darogan neu rai andwyol;
- 12.4 Cydbwysu cyfleoedd a risg yn gywir;
- 12.5 Bod yn fwy gwybodus wrth wneud penderfyniadau; a
- 12.6 Cyflawni gwell deilliannau i'w rhan-ddeiliaid.
- 13 I gyflawni ei hamcanion, mae angen i'r Bartneriaeth gynnal gweithgareddau neu fanteisio ar gyfleoedd sy'n rhoi lefelau sylweddol o risg iddi. Bydd llwyddiant y Bartneriaeth i raddau, yn dibynnu ar ei gallu i gydbwysu risg ac enillion yn effeithiol.
- 14 Cred y Bartneriaeth bod risgiau yn hyblyg o ran natur a bod difrifoldeb a thebygolrwydd risgiau yn gallu newid yn sydyn heb rybudd teg. Mae hyn yn amlygu'r angen i'r Polisi ragdybio a delio gyda newidiadau mewn modd cyflym ac effeithiol i leihau colled neu niwed posib i'r Bartneriaeth a'i rhan-ddeiliaid.
- 15 Cyn gwneud penderfyniadau, mae'n hanfodol fod y Bartneriaeth yn deall y risgiau cysylltiedig gan ystyried sut y gellir rheoli'r risgiau hyn.

Amcanion

- 16 Amcanion sylfaenol y Bartneriaeth yw:
- 16.1 Darparu trefniadau cyfuno sy'n galluogi'r cronfeydd unigol i weithredu eu strategaethau buddsoddi eu hunain (lle bo hynny'n ymarferol);
- 16.2 Cyflawni arbedion cost materol i'r cronfeydd sy'n rhan o'r Bartneriaeth, gan wella neu gynnal perfformiad buddsoddiadau ar ôl ffioedd;
- 16.3 Sefydlu trefniadau llywodraethu cadarn er mwyn goruchwyllo gweithgareddau'r Gronfa Gyfun;
- 16.4 Gweithio'n agos gyda chronfeydd cyfun eraill er mwyn ymchwilio i'r buddion y gallai'r holl ran-ddeiliaid yng Nghymru eu hennill o ddulliau cyfuno ehangach neu fuddsoddiadau uniongyrchol posib; a
- 16.5 Darparu fframwaith buddsoddiadau sy'n cyflawni'r canlyniadau gorau i ran-ddeiliaid allweddol y Bartneriaeth, sef yr Awdurdodau Cyfansoddol. Bydd yr Awdurdodau Cyfansoddol yn gallu defnyddio'r fframwaith hwn i gyflawni'r canlyniadau gorau i Aelodau a Chyflogwyr eu Cynlluniau.

- 17 Y risg mwyaf i weithrediad parhaus y Bartneriaeth yw ei gallu i gyflawni ar ei hamcanion sylfaenol, os nad yw'r Bartneriaeth yn gallu cyflawni ei pherfformiad buddsoddi, cyfleoedd ac arbedion cost i'w Hawdurdodau Cyfansoddol, mewn fframwaith llywodraethu cadarn, y risg i'r Bartneriaeth yw:
- 17.1 Awdurdodau Cyfansoddol yn gwrthod cymryd rhan yn y Bartneriaeth a buddsoddi eu hasedau gyda'r Bartneriaeth
 - 17.2 Symudiad diwylliannol neu gamosod yn digwydd rhwng y Bartneriaeth a'i Hawdurdodau Cyfansoddol a all olygu bod yr Awdurdodau Cyfansoddol yn dewis tynnu'n ôl oddi wrth y Bartneriaeth
 - 17.3 Ymyrraeth gan y Llywodraeth a all orfodi'r Bartneriaeth i roi'r gorau i'w gweithrediadau
- 18 Mewn cydnabyddiaeth o natur unigryw a phwysig y risgiau a amlinellwyd ym mhwyntiau 16 ac 17 mae'r Bartneriaeth wedi cymryd camau ychwanegol i reoli'r risgiau hyn. Ynghyd â'r polisi yma, Cynllun Busnes y Bartneriaeth yw'r modd y mae'r Bartneriaeth yn rhoi cydnabyddiaeth arbennig i'r risgiau hyn a'r camau gweithredu sydd eu hangen i'w rheoli. Mae Cynllun Busnes y Bartneriaeth yn adlewyrchu angen y Bartneriaeth i:
- 18.1 Ddarparu set o gyfleoedd buddsoddi amrywiol a deniadol i'r Awdurdodau Cyfansoddol
 - 18.2 Rheoli a monitro risg buddsoddi, yn cynnwys Risg Hinsawdd
 - 18.3 Cyflawni perfformiad buddsoddi gwell ar ôl ffioedd
 - 18.4 Hwyluso arbedion cost ehangach i'r Awdurdodau Cyfansoddol
 - 18.5 Darparu trefniadau llywodraethu effeithiol a chadarn
- 19 Yn ystod cwrs cynllun busnes y Bartneriaeth bydd y camau gweithredu isod yn cael eu blaenoriaethu i liniaru'r risg bod y Bartneriaeth yn methu â chwrdd â'r anghenion hyn:
- 19.1 Bydd is-gronfeydd pellach yn cael eu cyflwyno
 - 19.2 Darparu bod adroddiad rheolaidd ar Risg Hinsawdd a chofleidio datrysiadau buddsoddi fydd yn galluogi'r Bartneriaeth i liniaru bod yn agored i risg hinsawdd
 - 19.3 Datblygir perfformiad rheolwr buddsoddi gorau yn ei ddsbarth ac adrodd am risg
 - 19.4 Parhau i ymchwilio i gyfleoedd arbed costau
 - 19.5 Datblygu trefniadau llywodraethu'r Bartneriaeth ymhellach
- 20 Mae'r Bartneriaeth hefyd yn cydnabod y risg sylweddol a achosir gan ei dibyniaeth ar ei Gweithredwr. Mae ymrwymiad Cynllun Busnes y Bartneriaeth i lunio Fframwaith Trosolwg Gweithredwr yn cydnabod yr angen i gymryd camau ychwanegol i reoli'r risg yma.

Strategaeth Risg

- 21 Mae strategaeth risg y Bartneriaeth yn canolbwyntio ar roi mecanweithiau a phroses yn eu lle sy'n caniatáu iddi adnabod, deall, rheoli a monitro risg. Mae'r strategaeth nid yn unig yn ymwneud â risgiau sy'n gysylltiedig â gweithgareddau presennol y Bartneriaeth ond hefyd y rhai a wnaed yn y gorffennol neu sydd i'w cyflawni yn y dyfodol.
- 22 Fel rhan o'i strategaeth risg bydd y Bartneriaeth yn ymgymryd â'r isod:
- 22.1 Adnabod Risg

22.2 Deall Risg

22.3 Rheoli Risg

22.4 Monitro Risg

23 Mae'r Bartneriaeth yn cydnabod yr angen i sicrhau bod ei strategaeth risg yn:

23.1 Cael ei chyfathrebu yn effeithiol ac yn cael ei deall yn llawn gan Bersonél a Darparwyr y Bartneriaeth

23.2 Cael ei integreiddio i holl brosesau, gweithdrefnau a gweithgareddau y Bartneriaeth

23.3 Modd ei haddasu, yn flaengar ac yn effeithiol

24 Y CBLI fydd yn gyfrifol am sicrhau bod strategaeth risg y Bartneriaeth yn cael ei chyflawni ac y glynir ati. Er hynny, mae gan holl Bersonél a Darparwyr y Bartneriaeth ran unigol i'w chwarae i adnabod, deall, rheoli a monitro unrhyw risgiau posib i'r Bartneriaeth. Mae'r Bartneriaeth wedi sefydlu Is-grŵp Risg penodol i sicrhau bod ganddi ddigon o amser i reoli ac adolygu ei hagwedd at risg.

25 Mae Is-grŵp Risg y Bartneriaeth yn cyfarfod bob chwarter ac yn gyfrifol am gynnal a chadw Cofrestr Risg y Bartneriaeth ac adrodd yn ôl ar unrhyw newidiadau neu ddatblygiadau i'r GS a'r CBLI yn chwarterol.

26 Mae gan yr Is-grŵp Risg ran hanfodol drwy fod yn rhagweithiol i adnabod risgiau newydd ac asesu effeithiolrwydd gofynion presennol neu'r gofynion ar gyfer mesurau lliniaru risgiau ychwanegol. Mae'r Is-grŵp yn cynnig argymhellion, i'r GS, ar pa gamau y dylid eu cymryd i liniaru neu reoli risgiau ymhellach, nid yw y grŵp yn gyfrifol am weithredu'r camau gweithredu a argymhellir.

Adnabod a Deall

27 Mae'r modd y mae'r Bartneriaeth yn adnabod risg yn canolbwyntio ar adnabod risgiau ymadael a risgiau a fedr ddigwydd yn y dyfodol. Bydd ffordd rhagweithiol o adnabod risg yn y dyfodol yn caniatáu i'r Bartneriaeth fod yn rhagweithiol yn hytrach nac ymatebol, a byddai hyn yn sicrhau rheoli risg mwy effeithlon.

28 Mae'r Bartneriaeth yn defnyddio'r isod i adnabod risgiau:

28.1 Ymarfer asesiad risg manwl a gynhelir gan yr Is-grŵp Risg a'r GS

28.2 Adborth a chyfathrebu gyda rhan-ddeiliaid y Bartneriaeth

28.3 Ymarferion archwilio mewnol neu allanol

28.4 Cyfarfodydd, sgysiau ac ymgynghori rheolaidd gyda chronfeydd cyfun CPLIL eraill, Bwrdd Ymgynghori'r Cynllun a'r Adran Codi'r Gwastad, Tai a Chymunedau.

28.5 Adolygiad blynyddol o berfformiad y Bartneriaeth tuag at ei hamcanion hirdymor.

28.6 Llundio Cynllun Busnes Blynyddol y Bartneriaeth

Mae'r Bartneriaeth yn cydnabod bod dulliau eraill ar wahân i'r rhai a amlinellir uchod yn gallu bod yn fodd effeithiol i adnabod risgiau a bydd y Bartneriaeth yn edrych i ddefnyddio'r dulliau amgen hyn os oes angen.

29 Unwaith fo risg wedi ei adnabod bydd y Bartneriaeth yn ceisio deall y risg a'i effeithiau posib. Fel rhan o'r broses bydd y Bartneriaeth yn:

29.1 Dosbarthu natur y risg

- 29.2 Adnabod achos y risg
- 29.3 Amlinellu effeithiau posib y risg
- 29.4 Ystyried y cyfnod amser pan fydd yr effaith yn cael ei deimlo
- 29.5 Nodi Perchennog/Perchnogion y Risg
- 29.6 Rhoi sgôr tebygolrwydd a difrifoldeb i'r risg
- 29.7 Rhoi sgôr risg cyffredinol i'r risg

- 30 Wrth ddeall risg, bydd y Bartneriaeth yn ystyried a yw'r risg yn un Ariannol, Gweithredol neu o ran Enw Da. Yn ychwanegol, bydd y Bartneriaeth yn defnyddio'r meini prawf a ganlyn i ddosbarthu'r amserlen pan fydd effaith y risg yn cael ei deimlo:

Tymor byr	Disgwylir i fwyafrif yr effaith ddod i'r amlwg ymhen cyfnod o 12 mis
Tymor canolig	Disgwylir i fwyafrif yr effaith ddod i'r amlwg ymhen cyfnod o 1 i 3 blynedd
Hirdymor	Disgwylir i fwyafrif yr effaith gymryd mwy na 3 blynedd i ddod i'r amlwg

- 31 Bydd y Bartneriaeth yn defnyddio'r system isod i osod sgôr tebygolrwydd i risg penodol:

Sgôr tebygolrwydd:	Tebygolrwydd	% Tebygolrwydd
1	Annhebygol iawn	0-25%
2	Annhebygol	25-40%
3	Posib	40-60%
4	Tebygol	60-75%
5	Tebygol iawn	75%+

- 32 Bydd y Bartneriaeth yn defnyddio'r system isod i osod sgôr difrifoldeb i risg penodol:

Sgôr Difrifoldeb:	Effaith	% Effaith
1	Di-nod	0-25%
2	Bychan	25-40%
3	Cymedrol	40-60%
4	Arwyddocaol	60-75%
5	Critigol	75%+

- 33 Caiff y Sgôr Risg Cyffredinol ei gyfrif drwy luosi y sgôr difrifoldeb efo'r sgôr tebygolrwydd. Defnyddir y Sgôr Risg Cyffredinol i ddosbarthu'r risg ar sail y matrices isod:

Sgôr Tebygolrwydd	Sgôr Difrifoldeb					
		1	2	3	4	5
	1	Isel	Isel	Isel	Isel	Isel
	2	Isel	Isel	Canolig	Canolig	Uchel
	3	Isel	Canolig	Canolig	Uchel	Uchel
	4	Isel	Canolig	Uchel	Uchel lawn	Uchel lawn
5	Isel	Uchel	Uchel	Uchel lawn	Uchel lawn	

- 34 Unwaith fo'r Bartneriaeth wedi adnabod a deall risg bydd yn cael ei ddogfennu yng Nghofrestr Risg y Bartneriaeth.

Rheoli a Monitro

- 35 Mae'r Bartneriaeth wedi llunio Cofrestr Risg sef y modd y mae risgiau yn cael eu dogfennu, eu rheoli a'u monitro. Pwrpas Cofrestr Risg y Bartneriaeth yw:

35.1 Amlinellu risgiau a ffactorau allweddol y Bartneriaeth a allai gyfyngu ar ei gallu i gwrdd â'i hamcanion

35.2 Meintoli difrifoldeb a thebygolrwydd y risg sy'n wynebu'r Bartneriaeth

35.3 Crynhoi strategaethau rheoli risg y Bartneriaeth




35.4 Monitro arwyddocâd parhaus y risgiau hyn, effeithiolrwydd strategaethau lliniaru risg sy'n bodoli a'r gofyn am strategaethau lliniaru risg pellach

- 36 Mae'r Sgôr Risg Cyffredinol yn dangos lefel y rheolaeth sydd ei angen pan gaiff y risg ei hychwanegu yn gyntaf i Gofrestr Risg y Bartneriaeth:

Gwyrdd	Blaenoriaeth Isel	1 i 5	Dim angen gweithredu – Angen Monitro Parhaus
Melyn	Blaenoriaeth Ganolig	6 i 9	Adolygu Addasrwydd y Strategaethau Lliniaru Risg Presennol
Oren	Blaenoriaeth Uchel	10 i 15	Angen Gweithredu
Coch	Blaenoriaeth Uchel lawn	16 i 25	Angen Camau Brys

- 37 Mae strategaeth rheoli risg y Bartneriaeth yn ystyried pa reoliadau risg presennol sydd yn eu lle, ac mae adnabod y rheoliadau presennol yn bwysig i sicrhau nad yw unrhyw strategaethau rheoli risg pellach yn aneffeithiol yn dyblygu'r mesurau presennol. Bydd unrhyw reoliadau risg yn cael eu hamlinellu yn glir yng Nghofrestr Risg y Bartneriaeth.

- 38 Cam nesaf strategaeth rheoli risg y Bartneriaeth fydd gosod sgôr targed risg i bob risg. Mae'r sgôr targed risg yn cynrychioli'r risg a fyddai'n parhau pe byddai'r Bartneriaeth yn defnyddio yr holl strategaethau rheoli risg posib mor effeithiol â phosib, o safbwynt hyn gellir ystyried y sgôr fel y senario achos gorau. Mae defnydd y Bartneriaeth o'r sgôr targed risg yn adlewyrchu ei chred na ellir llwyr liniaru yr holl risgiau.
- 39 Unwaith fo sgôr targed risg wedi ei ddyfeisio bydd y Bartneriaeth yn ystyried os yw'r sgôr yma wedi cael ei gwrdd, os nad yw, bydd camau yn cael eu cymryd i ostwng tebygolrwydd neu ddifrifoldeb y risg neu'r ddau. Bydd y Gofrestr Risg yn datgan pa barti sydd yn gyfrifol am gwblhau'r cam gweithredu yma.
- 40 Bydd y Gofrestr Risg yn darparu diweddariad statws ar gynnydd camau gweithredu a gweithgareddau rheoli risg y Bartneriaeth. Mae'r Bartneriaeth wedi mabwysiadu y system ddisbarthu isod:

Statws	Ystyr	Disgrifiad
	Bodlon	Mae'r Bartneriaeth wedi cwrdd â'i tharged sgôr risg, bydd yn canolbwyntio ar fynd yn ôl i fonitor'r risg yma a chynnal y sgôr risg presennol.
	Cyfforddus	Mae'r Bartneriaeth yn gyfforddus bod y sgôr risg yn mynd rhagddo tuag at y sgôr targed. Bydd y Bartneriaeth yn parhau i lynu at a gweithredu y 'camau gweithredu sydd eu hangen' tan y bydd yn fodlon.
	Anfodlon	Mae'r Bartneriaeth yn parhau yn bryderus am y risg yma oherwydd ei arwyddocâd neu ar y cynnydd a wnaed i gyflawni y 'camau gweithredu gofynnol' neu effeithiolrwydd y camau hyn.

- 41 Cam olaf strategaeth risg y Bartneriaeth yw monitro risg, dyma yw'r broses y mae'r Bartneriaeth yn ei hystyried ac yn ei hadolygu, os:
- 41.1 Yw camau rheoli risg wedi eu cwblhau neu wedi cael eu bwrw ymlaen ers y dyddiad adolygu diwethaf
- 41.2 Bod y strategaethau rheoli risg wedi bod yn effeithiol
- 41.3 Angen camau gweithredu pellach
- 41.4 Bod nodweddion risg wedi newid yn faterol
- 41.5 Gellir dysgu gwersi fydd yn gallu gwella rheoli risg yn y dyfodol
- 42 Yn ystod ei gyfarfod chwarterol bydd yr Is-grŵp Risg yn adnabod unrhyw gamau gweithredu gofynnol sydd wedi eu hadnabod yn ystod yr adolygiad manwl o'r Gofrestr Risg gan ddogfennu hyn yn 'Log Pwyntiau Gweithredu yr Is-grŵp Risg' – mae'r ddogfen hon yn eitem sefydlog ar raglen y GS.
- 43 Yr Is-grŵp Risg a'r GS fydd yn gyfrifol am gynnal Cofrestr Risg y Bartneriaeth gan adrodd yn ôl am unrhyw newidiadau neu ddatblygiadau i'r CPLIL yn chwarterol drwy Gofrestr Risg Dalfyredig y Bartneriaeth.

Gwybodaeth Bellach

- 44 Mae'r Bartneriaeth wedi adnabod yr isod fel risgiau posib a allai gyfyngu ei gallu i weithredu'r polisi yma:
- 44.1 Mae diffyg gwybodaeth yn golygu na all y Bartneriaeth adnabod a deall y risgiau yn effeithiol
- 44.2 Mae diffyg adnoddau yn golygu na all y Bartneriaeth adnabod a deall y risgiau yn effeithiol

44.3 Mae diffyg gwybodaeth neu adnoddau yn cyfyngu effeithiolrwydd strategaethau rheoli risg y Bartneriaeth

44.4 Nid yw Personél a Darparwyr y Bartneriaeth yn llawn ddeall ei Strategaeth Risg ac yn methu gwreiddio i broses gwneud penderfyniadau y Bartneriaeth

44.5 Mae ffactorau eraill, fel gwrthdrawiad buddiannau, yn amharu ar weithrediad y polisi hwn.

Bydd y Bartneriaeth yn parhau i fonitro y risgiau hyn a ble fo'n bosib bydd yn cymryd camau i liniaru'r risgiau hyn.

45 Os hoffech ragor o fanylion am Bolisi Risg y Bartneriaeth, cysylltwch â walespensionpartnership@cararthenshire.gov.uk

Fersiwn 3.0
Mehafin 2022

